

仲恭天皇

日本史仲恭天皇諱懷成順德第三子也母東一條院藤原氏建保六年十月戊申生十一月為親王遂立為皇太子承久三年夏四月甲戌受禪於間院年四歲關白家實罷以左大臣藤原道家攝政太政大臣公房右大臣兼左近衛大將藤原家通內大臣源通光大納言兼右近衛大將藤原公經並如故丁丑尊順德帝曰太上天皇日本國志時有三上皇後鳥羽曰本院專決政事土御門曰中院順德曰新院五月丁酉本院將討北條義時稱鳥羽城南寺流鏑馬徵兵山城大和近江丹波美濃尾張伊賀伊勢河內和泉紀伊丹後但馬將士來集凡一千七百餘人拘大納言藤原公經父子於弓場殿召京畿守護大江

考十一 仲恭

親廣藤原光季光季不奉詔戊戌下院宣天下曰近來關東處置亂天下政務將軍猶在幼稚彼義時假言於教命致斷於都鄙耀己威蔑皇憲論之政道可謂謀反須下知五畿七道諸國追討義時諸國莊園守護人地頭等有上言各宜詣院廳奏隨狀聽斷又竊諭關東諸將募以厚賞遣佐佐木高重三浦胤義等討藤原光

季光季伏誅日本外史四北條氏實朝遭害之翌月故阿野全成子時元起兵駿河謀自立為將軍義時遣兵擊殺之

賴經至鎌倉之月大內守護源賴茂與子賴氏入仁壽殿縱火自

殺蓋賴茂源賴政孫自以為源氏嫡宗因圖自立事覺被誅上皇謂源氏衰滅王政可復而關東權勢自如會關東家人仁科盛遠

者挈二子詣熊野遇上皇幸焉錄其子為西面盛遠大喜畱不東歸義時怒收其邑上皇令復之不奉詔上皇嬖妓龜菊食長江倉

橋二莊其地頭侮慢之上皇怒令褫其職義時對曰先右大將以王命誅平氏乃請置地頭以賞有功義時不敢無故褫之上皇積

怒遂決意討義時義時素善右大將藤原公經上皇欲殺公經右大臣藤原公繼止之且諫曰臣聞本邦稱曰葦原原之大處是為

關東漸西漸小以敵大以弱抗強不待時而行以無謀臣未知其可也義仲之難可以鑒焉權中納言藤原光親亦切諫上皇

皆弗德使西而藤原秀康秀房上皇大悅五月使順德

帝讓位於太子以便計議太子立是為九條廢帝上皇乃託城南寺流鎗馬徵畿兵千七百囚公經召親廣光季親廣脅從光季不

至令胤義秀康討之光季及子光綱奮鬪而死六角西洞院火天皇避之賀陽院乙巳北

條義時反發兵犯京師遣弟時房子泰時率十萬餘騎由東海道

武田信光小笠原長清率五萬餘騎由東山道北條朝時結城朝

廣佐佐木信實率四萬餘騎由北陸道已酉檢非違使藤原秀澄

自美濃關報急中外失色壬子參議藤原信成兵河勾家賢據越

後願文山與佐佐木信實戰而敗癸丑晦筑井高重起兵赴京師

為北條時房所殺六月乙卯分將士拒險要遣檢非違使大內惟

信左衛門尉筑後有長槽屋久季等二千餘騎於大井戶藏人神

地賴經等一千餘騎於鵜沼判官代朝日賴時海泉某等一千餘

騎於板橋判官代土岐某左衛門尉關某等一千餘騎於池瀨能

登守藤原秀康檢非違使三浦胤義前下總守中條盛綱等萬餘騎於大豆渡阿波某左衛門尉山田某等五百餘騎於食渡判官代長瀨某五百餘騎於稗島檢非違使藤原秀澄山田重忠一千餘騎於洲股前伊勢守加藤光員五百餘騎於市河又遣宮崎定範糟屋有久仁科盛遠等於越中塞北陸道戊午院宣諭武田信光小笠原長清歸順信光斬詔使進攻大井戶守將大內惟信等大敗大妻兼澄死之己未北條泰時濟大豆渡官軍敗走洲股市河皆不守右衛門尉鏡久綱死之辛酉宮崎定範糟谷有久仁科盛遠等率國人林石黑等與北條朝時戰敗林石黑降糟谷有久死之藤原秀康等還奏諸道失守中外震駭本院戎衣與中院新院幸延麻寺道過法印尊長宅議戰守天皇駕婦人輿奉神器出宮與二院雷西反本尾井御所壬戌本院欲御延麻寺僧徒不奉命癸亥本院同天皇一院還白槻井御所居賀陽院公贈建請分遣諸將備禦要害釋藤原公經父子乙丑遣山田重忠延麻寺僧兵二千餘騎於勢多藤原秀康三浦胤義大江親廣佐佐木高重中條盛綱等一萬餘騎於食渡前權中納言源有雅參議藤原範茂右衛門佐藤原朝俊佐佐木廣綱熊野柰良僧兵一萬餘騎於宇治橋判官代長瀨某左衛門尉足立親長五百餘騎於牧島參議藤原信能法印尊長一千餘騎於芋洗大納言藤原忠信二千餘騎於淀河野通信五百餘騎於廣瀨丙寅北條時房宇都宮賴業偏勢多山田重忠拒卻之北條泰時抵宇治丁卯北條泰時等壞屋縛筏濟宇治河源有雅藤原範茂望風潰走藤原朝俊佐佐木氏綱筑後知尙菽野成時等拒戰不克死之賊兵放火食渡廣瀨牧島皆不守戊辰三浦胤義山田重忠藤原秀康還奏諸道失

守本院閉門不內中院新院遷於賀茂貴布禰北條泰時等陷京師三浦肩義山田重忠自殺已巳北條泰時等入六波羅本院遣使諭之復義時本官停征伐院宣王申本院自賀陽院移四辻殿中院新院還京師下院宣討藤原秀康等癸酉天皇還間院北條朝時入京師丁丑本院收前權中納言藤原光親源有雅藤原宗行參議藤原範茂送於六波羅秋七月癸未朔泰時押送忠信光親有雅藤原信能送於六波羅秋七月癸未朔泰時押送忠信光親有雅宗行範茂信能於關東殺之於路忠信獨見釋戊子北條時氏圍四辻殿本院遷於烏羽殿庚寅本院薙髮攝政左大臣道家罷辛卯天皇遜位於九條院委棄神器於間院在位七十餘日是為承久之變文祿元年夏五月戊午崩於九條院年十七稱九條廢帝

又曰伴帝明治三年追贈曰仲恭天皇日本外史四北條氏即日

者進曰不然彼收人心有年於此願為之死者不可勝計使臣等在東國亦被籠牢耳上皇弗憚彌益聚兵遣善走者押松齋詔歷說東國諸豪特使肩義作書以重賞啗義村義村以義時義因日唯子意所嚮義村誓無貳心義時曰吾預知有此事久矣因大索鎌倉獲押松奪詔燒之啟狀於政子政子乃大會諸將於簾下使安達景盛傳命曰吾今日將訣於諸君也先將軍被堅執銳關草萊以耕大業諸君所知也今讒諛之徒誣誤人主欲傾危關東之業諸君苟不忘先將軍之恩則協心戮力誅除讒人以全舊圖即欲應詔西上者今決之諸將皆感激願效力莫敢異辭於是會義時宅議事義村景盛等皆曰宜扼足柄箱根以待官軍廣元曰不可守險曠日人心內變是為將泰時道也宜直進兵攻京師聽成敗於天耳政子從之以泰時為將泰時道也廣元曰待武藏兵非至而發居五日或議其懸軍遠進是危道也廣元曰武藏兵非計所以生此異論也遷延如此雖武藏兵不保其無變今夜武州宜單身揚鞭東兵猶雲從龍已三善康信方臥病政子召而語之康信對如廣元議於是令泰時即夜發程黎明泰時帥十八騎而行西相摸守時房前武藏守足利義氏駿河守三浦義村等從之三日得十萬騎自東海道進式部丞朝時自北陸道進武田信光小笠原長清等自東山道進凡從役者父行畱子行畱父行者間陛下喜戰謹獻臣長男泰時次男朝時以臣無罪被討不敢逃避戰陛下觀焉猶不厭於心則猶有二十萬人必在臣將自將以繼之押松走歸白之內外失色上皇曰可也東人必有乘虛誅義時者

考十二神恭

四

六月朔部署諸官軍宮崎定範仁科盛遠等拒越中藤原秀康三
浦清以四萬騎亂大井渡擊官軍將大內惟信走之肩義欲赴援
秀康曰吾腹背受敵不若退守宇治勢多救旨如此乃鞭馬先走
肩義以下皆從之官軍將山田重忠源滿政苗裔也奮而雷戰泰
時亂流而前重忠連射斃東江兵泰時磨軍萃之重忠敗走官軍將
鏡久綱自書名於旗與大江季光戰而敗曰恨與懦夫共事乃自
殺泰時從武州生力因辭義村策分爲五隊其子泰村請曰嚮與右
京君約從武州生力因辭義村策分爲五隊其子泰村請曰嚮與右
幸獻山山徒遜辭力不足以扞東軍乃還分見兵二萬五千守宇
治勢多及濶時房攻勢多山田重忠帥山徒二干截橋力戰時房
不利而卻泰時攻宇治前中納言源有雅參議藤原範茂等率南
都僧萬人壓河而軍時霖雨水漲泰時欲待旦而進泰村夜挺前
夾水射戰義氏赴援泰時遂以全軍從之橋板已撤兵援架進官
軍矢石雨下東兵多死泰時令芝田兼義試水春日貞幸佐木
信綱等繼之貞幸馬傷而溺從者援還泰時親爲炙之乃蘇將土
爭渡溺者八百信綱先達中島其子重綱年十五攀父馬尾泅而
渡信綱使之還請兵泰時諾而遣之召其子時氏曰我眾將敗汝
進死之時氏以六騎渡泰村繼而泰時乃親渡貞幸扣馬諫不聽
貞幸給曰釋甲而渡不則沈溺泰時下馬釋甲貞幸乃奪馬去不
得渡其兵縛後以濟軍泰時遂至前岸武藏相摸將士奮進大戰
氏撤民屋縛後以濟軍泰時遂至前岸武藏相摸將士奮進大戰
有雅以下潰走右衛門佐藤原朝俊帥八田知尚佐佐木氏綱等
我遂走嗟哦自殺肩義遁走泰時進至樋口河原遇院宣使至下
馬使人讀之宣曰近日之事非出朕意皆臣僚所爲唯汝論其罪
莫使兵士擾輦下泰時乃與時房館於六波羅朝時夜收數十牛束薪其角火
也從軍四萬官軍張弩扼寒原塞朝時夜收數十牛束薪其角火
之驅赴官軍官軍弩發東兵乃踰塞至市振官軍據險設柵東軍
騎兵渡海而步兵破柵戰殲並山殺盛遠走定範進會泰時於京
師於是東軍填塞街衢四出捕斬肩義以部下據東寺遣佐原景
吉攻之肩義叱曰女非吾族入乎與戰走之盡亡其騎獨與長子
逃去欲投其妻家匿木島叢祠中遇所識僧勸其自裁長子先卒
肩義謂僧曰以我父子首視於我妻然後致之駿州爲我告駿州
曰阿兄自剪手足當遲於意僧如其言義村送之泰時泰時聞佐
佐木經高贊上皇謀亡匿鷲尾欲宥之經高自殺其子高重兄子
廣綱等皆死廣綱稚子當宥叔父信綱請而斬之泰時與時房議
凡論罪從輕不復究捕遂奏求首謀者上皇以忠信有雅光親及
中納言藤原宗行參議藤原信能答乃分屬之諸將時氏召所同
渡六騎置酒勞之捷報鎌倉上下相慶初義時既遣軍日夜疑懼
會雷震其庖義時大怖以告廣元曰吾命窮乎廣元曰君臣之命
皆天所司今事之曲直斷在天心公何必怖也故將軍之捷陸奧
雷震其陣此安知非吉兆哉於是捷聞果至廣元引文治故事論
公卿斬泰時難戮之於京師七月令諸將押送之東國皆斬於途
獨忠信以其妹嘗適實朝宥死流越後泰時得光親諫疏大悔
殺之云於是義時廢帝立高倉帝孫守貞親王之子爲後堀河
帝遂逼上皇削髮徙之隱岐徙順德上皇於佐渡兩親王於但馬

考十二神株

備前土御門上皇不與謀且諫之以故不問乃敕義時曰朕安忍獨留十月徙之士佐後徙於阿波是月獲秀康父子於南都諸所籍沒三千餘邑義時悉分與戰功將又後宮某氏法印性慶女士一無所取焉而北條氏勢威滋熾

後堀河天皇

日本史後堀河天皇諱茂仁高倉孫後高倉院第三子也母北白河院藤原氏建歷二年二月乙未生承久三年秋七月北條義時兵入京師辛卯天皇踐阼於開院以前關白家實攝政太政大臣公房右大臣兼左近衛大將藤原家通大納言兼右近衛大將藤原公經並如故北條泰時北條時房在六波羅鎮京師泰時居北方時房居南方兩六波羅是為始日本外史四北條氏泰時既破居六波羅南北號兩六波羅泰時在京師聞梅尾僧高辨名往訪之高辨語泰時曰治國猶治病也不究其因而藥焉徒益病耳治亂之因在人之欲公苟絕欲乙未本院出居於隱岐壬寅新院居以率之治可幾矣泰時大悅於佐渡丙午遷雅成親王於上瀨皇馬町昧遷賴仁親王於備前御

於別尊守貞親王曰太皇太后於上瀨皇馬町昧遷賴仁親王於備前御居賀陽院癸巳熊野本宮火冬閏十月庚寅中院出居於土佐十一月庚戌朔日南至公卿表賀十二月庚辰朔即位於太政官廳時年十歲尊準母邦子內親王曰皇后己亥太政大臣公房罷以家實為太政大臣攝政仍舊

壬十貞應元年日本史春正月壬子天皇加元服三月癸酉上佐午五渡院中宮號曰東一條院夏四月戊子攝政家實罷太政大臣辛卯改元是月中院自土佐遷阿波六月丁巳號皇母準三宮藤原陳子曰北白川院八月戊子以內大臣藤原公經為太政大臣冬

十二月壬午始讀孝經
癸十貞應二年日本史春二月戊戌立女御藤原有子為中宮夏未六四月甲戌太政大臣公經罷丙辰太上法皇崩葬北白河冬十二

月壬午以攝政家實為關白

甲申元仁元年日本史夏六月己卯前陸奧守北條義時卒是月

北條時氏來居六波羅北方北條時盛居南方日本外史四北條

世以為亂逆所致也北條氏祈禳甚力六月義時病卒泰時時房

皆東歸政子欲以泰時襲執權以傳賴經以其在服疑之諂於廣

元廣元對宜速定議以鎮人心泰時有八弟多後母藤原氏出泰

時割與之父邑自取太子四郎政村為執權復何求焉而藤原氏與其

弟光宗謀以其所生子浦義村為執權約為父子於是光宗與弟實

雅為將軍政村之冠三浦義村為實約為父子於是光宗與弟實

重驥適三浦氏府下洵海口耳相屬人或警泰時勸其兵備泰時

日置之乃故禁人出入獨許數人給仕而已遣時氏及從弟時盛

於六波羅二人曰鎌倉可虞泰時曰不如京師可虞也遂遣之有

婢密告泰時曰光宗兄弟莫淪為可嘉耳已而騷擾不已政子從一侍

異圖也泰時曰兄弟莫淪為可嘉耳已而騷擾不已政子從一侍

女夜造義村義村惶恐出迎政子曰近日物議騷然聞政子作色

日聚守於子家所謀何事得非圖武州義村曰不知也政子乃誓

日何得曰不知也且子技政村以圖反乎抑計和平也義村往謁泰時

曰四郎無佗獨光宗微有異圖臣當禁止之明日義村往謁泰時

曰僕記故大夫眷遇公與四郎於僕何擇焉所願安平是已日者

光宗欲云云僕盡心諷導終得服從泰時顏色自若曰僕於政村

於信濃遷藤原氏於北條廷議流實雅於越前事即定不問黨與

秋八月戊戌上準母皇后號曰安嘉門院冬十一月壬午改元

乙理宗寶嘉祿元年日本史夏四月庚戌改元秋七月甲子前太

政大臣賴實薨日本外史四北條氏嘉祿元年六月廣元卒七月

令以平盛綱尾藤景綱為之申禁地頭侵攘不得與京官抗置京

師籌卒鎌倉將士帶衛府官而不衛衛而後期者皆納直縣官

丙二嘉祿二年日本史春正月癸未以右近衛少將藤原賴經為

征夷大將軍秋七月壬午改中宮為皇后立女御藤原長子為中

宮八月丁亥小守勝手神人訴金剛峯寺僧燒藏王堂奉神輿將

入京遣兵宇治防遏之

丁三安貞元年日本史春二月庚子號皇后曰安喜門院夏四月

庚午京師大火延及大內冬十二月乙卯改元

戊紹定安貞二年日本史夏四月丙寅興福寺僧徒燒多武峯坊

子元

舍六月丁未延麻寺僧徒訴多武峯火秋九月丙戌七條院崩冬十二月癸亥關白家實罷以前攝政道家爲關白

己二 寬喜元年日本史春三月癸酉改元夏四月乙卯號中宮曰

鷹司院

庚三 寬喜二年日本史春二月戊寅立女御藤原樽子爲中宮三月北條重時來居六波羅北方秋八月園城寺僧徒放火相鬪遣

兵止之僧徒解去冬十二月乙酉前關白太政大臣基房薨

辛四 寬喜三年日本史夏四月庚辰定大臣以下裾制秋七月己

丑關白道家罷以左大臣藤原教實爲關白冬十月甲子中院崩

於阿波庚辰立秀仁親王爲皇太子

壬五 貞永元年日本史春正月壬午朔以前年無冰不奏冰樣夏

四月壬子改元皇極御嶽辰詠小皇躰於肆永年在位廿七年皇

尊號曰太上天皇御嶽辰詠小皇躰於肆永年在位廿七年皇

崩於持明院殿年二十三葬於東山觀音寺稱後堀河院置國忌

於安樂光院帝容止詳雅喜怒不形於色性寬仁政不苛酷頗有

藻鑑好學每召對儒臣談論移刻凡百玩好未嘗留意如遇嬪御

恩眷均一無有濫幸其秉心類如此又皇后藤原有子太政大臣

中宮藤原長子關白家實女藤原樽子關白道家女號藻壁門院典侍藤原氏權中

家行兼大納言藤原氏兼良女子一樽子生四條帝

四條天皇

日本史四條天皇諱秀仁後堀河子也母藻壁門院藤原氏寬喜

三年二月己巳生四月爲親王十月立爲皇太子貞永元年冬十

月庚辰受禪於間院以關白左大臣教實攝政右大臣兼左近衛

大將藤原兼經內大臣兼右近衛大將藤原實氏並如故癸未尊

尊

後堀河曰太上天皇冬十二月庚辰卽位於太政官廳年二歲日本

外史四北條氏貞承元年泰時與三善康連議立式目五十條以資聽斷與評定眾十二人誓曰吾曹為天下司直所挾偏私者國神殛之又令諸吏斷獄輕罪止其身毋有羅織盜竊者倍而贖之武田信光與海野幸氏爭界幸氏直泰時予之或曰信光衛公泰時曰嚮和田氏請宥長而先人流之和田氏不能爭也願公私如何耳畏怨而不決何取於執權乎信光聞之自懼效書誓無佗泰時以示諸將終為恆例

癸六 天福元年日本史夏四月丁丑上上皇中宮號曰藻壁門院

己丑改元丁酉興福寺僧徒燒多武峯坊舍延麻寺僧徒將燒清

水寺敕禁遏之五月癸酉晦前攝政內大臣基通薨六月癸巳尊

準母前齋宮利子內親王曰皇后秋九月己未藻壁門院崩辛未

晦葬藻壁門院

甲端平 文祿元年日本史夏五月戊午廢帝崩秋八月壬申上皇

崩丁丑葬後堀河曰林皇春三月甲庚辰薨

薨以前關白道家攝政夏六月甲子先是石清水神領薪莊民與

春日神領大住莊民爭水殺之興福寺僧徒燒薪莊殺神人至是

敕遣兵拒之閏三月庚戌遣使石清水覈問神人與僧徒爭鬪狀

神人逐使者辛亥石清水神人移神輿於宿院將入京訴興福寺

事狀遣使諭之甲寅遣大納言源定通權大納言源通方於石清

水慰諭神人神人不奉命戊午改奉因幡於石清水宮己未石清

水神輿歸座秋七月甲申延麻寺僧徒奉日吉十禪師客人八王

子神輿入京訴左衛門尉佐佐木高信傷宮仕使右衛門尉遠政

等拒之於近衛河原僧徒棄神輿而走九月己卯改元冬十二月

庚戌興福寺僧徒與春日神人奉神木將入京請賜薪莊流石清

水別當宗清誅神人交野宗成遣兵宇治徹橋拒之辛亥遣左少

辨藤原兼高慰諭僧徒王子下交野宗成於獄石清水神人斫獄
奪宗成癸丑遺藏人頭左大辨藤原爲經重諭僧徒僧徒不奉命
丙三嘉禎二年日本史春正月己未朔興福寺僧徒棄神木於宇
治而去春日神人安之平等院二月辛丑北條泰時遣使諭興福
寺僧徒僧徒畏服戊申神木歸座秋七月癸未興福寺僧徒以所
請不允移春日神木於金堂八月壬辰以北條泰時請敕延麻寺
召前年入京首惡者僧徒不奉命移日吉神輿於中堂九月興福
寺僧徒築城修戰具冬十月己丑北條泰時收僧徒莊園權直大
和守護補地頭塞道路禁出入遣兵備僧徒侵軼辛丑僧徒墮城
解兵十一月乙卯神木歸座丁卯北條泰時罷大和守護地頭十
二月號準三宮諦子內親王曰明義門院

丁嘉熙嘉禎三年日本史春三月辛酉攝政道家罷以左大臣藤
原兼經攝政冬十二月丙午始讀孝經

戊二麻仁元年日本史春二月癸巳征夷大將軍藤原賴經入朝
秋七月癸巳以前左大臣藤原良平爲太政大臣冬十月己巳前
攝政師家薨甲寅藤原賴經還鎌倉十一月甲午改元十二月己
巳宜秋門院崩

己三延應元年日本史春正月庚寅太政大臣良平罷二月丁未
亥改元壬戌本院崩於隱岐夏五月戊戌晦追稱本院曰顯德院冬
十一月丁丑上準母皇后號曰式乾門院

庚四仁治元年日本史春三月辛巳前太政大臣良平薨秋七月
子戊寅改元冬十一月庚寅朔日南至公卿表賀十二月癸酉以兼
經爲太政大臣攝政如故

辛清祐仁治二年日本史春正月甲午天皇加元服冬十一月癸
丑元

丑晦以前攝政家實疾非常赦十二月癸酉攝政兼經罷太政大臣

壬二仁治三年日本史春正月壬辰天皇崩於間院年十二葬泉

涌寺稱四條院帝幼冲嬉戲宮廊塗滑石末欲令嬪御顛仆而調笑之反自誤倒犬遮繞吠之人以為不祥適京師怪異數見亡幾

帝崩又女御藤原彥子攝政教實女

後嵯峨天皇

日本史後嵯峨天皇諱邦仁土御門第七子也母贈皇太后源氏

承久二年二月丁亥生當土御門之南遷天皇年二歲依外家大

納言源通方通方薨後供奉稍怠天皇厭之徙承明門院所居土

御門殿及長欲為僧承明門院止之天皇意未決潛謁石清水宮

通宵默禱夢壇上有聲曰春葉之影再收天皇覺而心喜疑之自是

周精學問仁治三年正月四條帝崩無後時諱海海人懷疑惡修

明門院及前攝政道家欲立順德帝皇子忠成王北條泰時意在

立土御門後詣鶴岡宮探籌亦協於是決意遣秋田城介安達義

景於京師立天皇謂曰京師如立新院皇子雖既立宜即廢之義

景入京師承明門院使人覘之時羣臣造忠成王第待義景至獨

前內大臣源定通侍天皇於土御門殿義景至門庭荒蕪闐無人

跡義景見定通具陳泰時之意於是百官奔赴癸卯冠於土御門

殿為親王即夜踐阼於權大納言藤原隆親冷泉萬里小路第時

曠大位十二日以攝政兼經為關白左大臣藤原良實右大臣藤

原實經內大臣藤原兼平權大納言兼左近衛大將藤原實有大

納言兼右近衛大將藤原實基並如故戊申葬四條天皇三月庚

子即位於太政官廳時年二十三丁未關白兼經罷以左大臣藤

原良實爲關白夏四月乙卯御太政官廳六月丙寅前武藏守北

條泰時卒日本外史四北條氏嘉禎二年泰時進從四位下仁治

而下之嘗在評定所聞弟朝時第有寇輒起赴援平盛綱曰是時

事耳公任重職何自輕也泰時曰兄弟有難何曰小事以吾視之

與建保承久二役奚擇苟喪吾親重職何爲朝時書藏於家曰世

世子孫毋背武州裔也泰時不以權勢自異常與諸將更直幕府

速老不懈當直之夕不敢募也每詣賴朝墳拜於堂下或曰盍上

爵將軍在時吾未得登豈死將軍乎其進四位也謂人曰無功進

廉財蠹民何治安之有遂逐其僧泰時銳意求治其參政府先眾

而人躬執勤儉以率將士將士貨於富家者自爲償息尤貧者并

償子本遇有饑歲發倉賑之或設場救濟流民及其卒天下惜之

子經時嗣爲執權秋七月戊子遣使大原法華堂追改顯德院稱

後高羽院辛卯追尊所生源通子曰皇太后癸巳先是金剛峯寺

奧院僧徒與傳法院僧徒爭鬪遣使禁止之至是奧院僧徒燒傳

法院復遣兵防遏之八月己未立女御藤原原姑子爲中宮九月辛

卯新院崩於佐渡冬十二月前關白家實薨

門院癸酉改元夏六月辛未號準三宮覺子內親王曰正親町院

秋八月癸未立久仁親王爲皇太子九月辛酉陰明門院崩冬十

二月丙戌號準三宮暉子內親王曰室町院

甲辰寬元二年日本史夏四月戊戌征夷大將軍藤原賴經辭職

以其子賴嗣爲右近衛少將征夷大將軍日本外史四北條氏泰

爲政在文不可專用武斷經時長吏事世稱有祖父風遂襲其官

寬元二年將軍賴經讓職於其子賴嗣甫六歲四年經時有疾亦

傳執權於弟秋八月丁酉前太政大臣公經薨

乙巳寬元三年

丙午寬元四年日本史春正月戊午關白良實罷以左大臣藤原

實經爲關白己未行幸冷泉萬里小路第禪位皇太子在位五年

二月上尊號曰太上天皇及龜山帝立稱上皇曰一院文永五年

十月薙髮法名素覺修佛事於東大寺資後福六年四月受戒東
大寺七年十月慶宸筆法華經於龜山殿修八講九年二月丙午
崩於龜山別院藥草院年五十三火葬奉安御骨於淨金剛院遺
詔稱後嗟峨院十年六月移藏御骨法華堂帝性溫柔仁而愛物
既賴北條氏之推戴不敢自專朝廷大事皆仰成鎌倉當時四方
無事逍遙遊歷怡然自適屢幸熊野高野修鳥羽殿又造宮於嗟
峨稱龜山殿移植芳野櫻建藥草院如來壽院就檀林寺故址造
淨金剛院置淨土宗模四天王寺金堂造多寶院帝研精佛宗究
盡法理受止觀於僧經海達真言天台淨土奧旨屢親寫經論藏
石清水北野每春必謁石清水宮齋宿七日尤長和歌所至吟詠
命藤原基家藤原爲家等撰續古今和歌集親臨裁定相傳龍潛
之時八月朔近臣偶盛編土器進之及登伏位以爲嘉瑞每歲必
祀後遂御於天朋履後二皇相踵臨神帝顯政院中死三十一
年矣特屬意龜山帝欲使其肩子承續大統立後宇多帝居東宮
後北條時宗建議立伏見帝爲後宇多帝太子自是後深草龜山
二帝之後迭承皇統朝廷益弱矣日本國志二統迭承限十年禪
足利氏循沿其例初賴朝以藤原氏近衛九條二家更爲攝政後
九條分爲一條二條近衛亦分爲鷹司至是北條氏奏請五家更
替攝政名爲尊也日本史中宮藤原原姑子太政大臣
實氏女更衣藤原氏炊
上實分朝權也助俊木工頭典侍藤原氏刑部卿御匣殿藤原氏太
政大臣房女宮人藤原氏太政大臣藤原氏權大納言藤原氏太政大
房女女藤原氏中納言藤原氏權中納言源氏不得其父從三
子十五

中宮生後深草帝龜山帝恆尊親王雅尊親王貞良親王棟子生
宗尊親王孝時女生覺助法親王公房女生省仁親王忠助法親
王公經女生慈助法親王隆衡女生最助法親王兼房女生仁慧

法親王能保女生圓助法親王寶世女生淨助法親王源氏生僧
勝助

後深草天皇

日本史後深草天皇諱久仁後嗟哦第三子也母大宮院藤原
子寬元元年六月乙卯生未閱月為親王八月立為皇太子四年
春正月己未受禪於前右大臣藤原實氏冷泉富小路第以關白
左大臣實經攝政右大臣藤原兼平內大臣兼左近衛大將藤原
忠家大納言兼右近衛大將藤原實基並如故二月癸酉尊後嗟
哦曰太上天皇三月癸巳以前右大臣藤原實氏為太政大臣庚
子即位於太政官廳時年四歲秋七月甲申前征夷大將軍藤原
賴經為北條時賴所逐歸京師冬十月戊戌北條時賴罷京師籌
兵十二月甲午太政大臣實氏罷

未寶治元年日本史春正月癸酉攝政實經晉以前關白兼經

攝政二月壬子改元夏六月丙戌三浦泰村等圖滅北條氏北條

時賴擊殺泰村日本外史四北條氏故朝時子光時有寵於賴經
扼衢路而以兵自衛賴經使者來不許見光時削髮謝罪流之伊
豆送賴經還京師其近士三浦光村與為護兵至京師辭還嗚咽
曰臣必有以報君也既歸鎌倉潛徵兵其邑勸其兄前若狹守泰
村反泰村不果泰村義子也時義村已卒泰村威權仍盛族黨
最廣時賴外祖安達景盛削髮在高野寶治元年四月景盛來府
下數往時賴家已而謂其子義景孫泰盛曰汝輩不日三浦氏近
狀乎而賴首之也五月有榜於鶴岡祠前曰泰村將被誅時賴因
事寄宿三浦氏族悉集獻酒於鶴岡祠前時賴頗怪之其夜聞障
外有鎧胄聲決起曰果然麾一從者徒步入時賴頗怪之其夜聞障
夜時賴使人謂三浦諸第皆蓄兵仗時賴益戒泰村曰是毒我者取
至明日使人謝時賴曰聞道路之言如關泰村者家僕傳聞爭來
而毀之使人謝時賴曰聞道路之言如關泰村者家僕傳聞爭來
相衛即見尤怪當速散去如事關他人有須眾力當率焉以奉
援時賴慰諭遣歸大江季光妻泰村妹也來勸其兄決意反亦不
果會時賴誓書至令速罷兵泰村大喜從之使者出其妻賀進食
泰村一嘆未能下聞門外大囂安達氏兵來攻泰村時賴急防之
時賴於是遣弟時定將兵援攻三浦氏令金澤實時守幕府實時
泰時弟實泰之子也大江季光將往屬時賴其妻愠曰良人非士

考十二後深草

也季光乃屬秦村時賴令人火三浦氏北隣秦村大敗走入賴朝
影堂光村以八十騎據永福寺以呼秦村秦村不敢往光村乃至
堂諸軍圍之於是三浦氏宗族列坐影前光村慷慨日向從殿
下旨則我族將專軍政若州猶豫以取此辱引刀自務其面問
以可識乎遂自殺殿下謂道家也秦村泣曰我四世積功於幕
少殺之報哉何遠北條氏之對與其族二百七十餘人皆死諸
田氏妻孥皆釋之後泰村女野本尼者謀作亂被殺先是時賴
元父重時鎮六波羅北方時賴欲召之泰村止之建秋七月北
條長時居六波羅北方冬十二月庚子東一條院崩

申成入寶治二年日本史春正月丙寅太政大臣通光罷丁卯通光

薨夏六月甲午上中宮號曰大宮院秋八月壬午尊前齋宮曦子

丙親王曰皇后

己酉九 建長元年日本史春二月癸卯朔開院火天皇避之冷泉富

小路第三月庚寅改元乙未京師大火延及蓮華王院秋七月己

丑追稱佐渡院曰順德院八月丁巳前太政大臣公房薨

亥一 建長二年日本史春正月癸亥式乾門院崩三月丁亥上上

皇準母皇后號曰仙華門院夏六月丙辰開院成徙御冬十一月

戊戌號準三宮穠子內親王曰永安門院甲子始讀孝經

壬子 建長四年日本史春二月乙亥前攝政道家薨夏四月甲寅

朔以北條時賴請以三品宗尊親王為征夷大將軍辛未前征夷

大將軍藤原賴嗣為北條時賴所逐歸京師

日本外史四北條氏

賴嗣又圖時賴遣長

久連等誘諸將士佐佐木氏信縛送之於時賴時賴乃廢賴嗣送

還京師迎後嵯峨帝皇子宗尊親王為鎌倉主成政子志也時賴

循守泰時式日內外稱治而其自奉多人所不堪大佛宣時時房

孫也嘗詣時賴時已深夜時賴手一壺酒曰欲與子共之願安所

得肴照紙燭索於度靚藤綱藤綱微者也少好酒其儉薄如此其用人

不拘門地嘗擢青砥藤綱藤綱微者也少好酒其儉薄如此其用人

時賴聚僧施之又親祈於三島祠其束載之牛洩於水藤綱在傍

叱曰汝亦做北條公薦事耶眾問其說曰方旱牛而有知盍洩於

田今之施僧不甄其貪廉廉者寧餓不來徒飽貪者耳是奚異牛

之洩於水也時賴聞之召見與語大說之竟擢為引付眾有公文

考十二後深草

左

者與北條氏封人爭畔而訟眾皆畏時賴曲公文獨藤綱直之公
文德之欲有所報夜苞錢投其後圃而去藤綱大怒曰相摸公司
天下之直直公文乃直相摸公公宜見報是何舛也郵還其錢嘗
夜行遺十錢於水中乃買炬照水撈之炬直五十錢或曰得不償
失藤綱曰五十錢吾失人得十錢誰得之者我取六十錢以益於
世不亦大得乎藤綱自儉而喜施日食一脯布衣袴裙刀室不漆
時賴欲加之祿曰神見夢於我曰汝願治者增藤綱祿藤綱固辭
時賴曰何辭曰神曰增藤綱祿增之則神曰斬藤綱首斬之乎時
賴又從容問其所欲藤綱乃陳鎌倉及諸州吏姦狀曰管子稱階
前千里門外萬里是也乃罰其尤姦者世以此稱時賴得人云
冬十月甲寅攝政兼經罷以左大臣藤原兼平攝政十一月癸未

左大臣兼平為太政大臣攝政仍舊
癸寶祐建長五年日本史春正月壬午天皇加元服冬十一月癸
未攝政兼平罷太政大臣己亥以前內大臣藤原實基為太政大

臣

甲二建長六年日本史春二月甲寅太政大臣實基罷冬十二月

庚午以攝政兼平為關白
卯建長七年

丙四康元元年日本史春二月己巳號準三宮體子內親王曰神

仙門院夏四月北條時茂來居六波羅北方冬十月壬戌改元

丁五正嘉元年日本史春正月立女御藤原公子為中宮三月庚

子改元秋七月丁巳承明門院崩

戊六正嘉二年日本史秋八月癸未立皇弟恆仁親王為皇太弟

己開慶正元元年日本史春三月庚午改元夏五月丁未前關白

兼經薨乙丑間院火天皇避之三條坊門殿冬十一月己巳朔日

南至甲午天皇禪位於皇太弟日本國志上皇迫令禪位在位十四年上尊號

曰太上天皇以後嗟峨上皇在稱上皇曰新院後宇多立改曰本

院正應三年二月剃髮受戒龜山殿法名素實四年十一月受戒

東大寺承仁二年五月受戒延麻寺嘉元二年七月丙寅崩於富

小路殿年六十二藏御骨於法華堂稱後深草院帝孝友和順脫
屣之後每侍後嗟峨法皇宴遊必從愉色婉容承意不違法皇崩
時人皆謂萬機當出於帝而龜山帝親決庶政置後院別當管院
中事帝無所預焉及後宇多登祚帝益憂鬱北條時宗以為上皇
身居正嫡雅無失德宜使其肩踐天位遂議以上皇第一皇子為
後宇多帝儲貳於是帝意釋伏見登祚淺原為賴謀逆眾論喧然
以謂實龜山法皇之所使權大納言藤原公衡勸帝遷法皇於六
波羅帝潛然曰浮言難信何遽至此也先帝而有知將謂朕何事
亦尋釋又中宮藤原公子太政大臣實氏女典侍藤原氏參議茂通女御匣殿
藤原房子內大臣公親女三善忠子康衡女藤原惜子左大臣實雄女藤原相子太政大臣公親女
藤原成子太政大臣公經女子七茂通女生恆助法親王公親女
生久明親王行覺法親王忠子生深生去親王音子生伏見帝滿
仁親王公經女生幸仁親王

龜山天皇

日本史龜山天皇諱恆仁後嗟峨第六子後深草同母弟也建長
元年五月戊戌生於外祖前太政大臣實氏今出川第八月為親
王正嘉二年八月立為皇太弟正元元年八月冠十一月甲午受
禪於冷泉富小路殿關白兼平左大臣藤原公相右大臣藤原實
雄內大臣兼左近衛大將藤原基平大納言兼右近衛大將藤原
公親並如故十二月庚子尊後深草曰太上天皇丁巳上中宮號
曰東二條院丙寅即位於太政官廳時年十一

庚景定申元

文應元年日本史夏四月庚戌改元秋七月丁亥仙華門

院崩

辛二西 弘長元年日本史春二月庚子立女御藤原倍子為中宮壬

子改元三月庚午號準三宮義子內親王曰和德門院夏四月乙卯關白兼平罷庚申以前關白良實爲關白秋八月庚戌改中宮爲皇后立女御藤原瑄子爲中宮冬十二月癸卯以前左大臣藤原公相爲太政大臣

壬三 弘長二年日本史春正月壬戌宣仁門院崩

癸四 弘長三年日本史秋七月乙巳號準三宮綜子內親王曰月

華門院冬十一月己亥前相模守北條時賴卒日本外史四北條氏康元元年時賴

有疾削髮先是時賴學禪於宋僧道隆爲造建長寺又造最明寺於是老於最明寺長子時宗猶幼以重時子長時執權弘長三年時賴卒作偈曰業鏡高懸三十七年一槌破碎大道坦然蓋享年三十七也時宗年十三敘從五位下任左馬權頭外舅安達泰盛

參與軍政

甲五 文永元年日本史春二月癸酉改元三月戊戌

先是前權大納言藤原實藤殺延麻寺宮士法師曾能清亮實藤又誅四天王寺別當聯永屬園城寺朝議不決至是僧徒自火誅

堂四天王院戒壇院常行堂法華堂等庚子僧徒奉日吉神輿入

皇居二條東洞院及一院新院宮官兵拒之僧徒棄神輿而走辛

丑遷神輿於祇園社壬寅流藤原實藤於淡路四天王寺別當職

改屬延麻寺夏五月乙亥延麻寺僧徒燒園城寺戒壇堂塔房舍

悉亡是歲北條時輔來居六波羅南方

元史日本傳元世祖之至元元年以高麗人趙彝等言日本國可

通擇可奉使者

乙度宗咸淳元 文永二年日本史夏四月丁巳關白良實罷以左

大臣藤原實經爲關白

丙二 文永三年日本史秋七月庚戌征夷大將軍宗尊親王爲北

條時宗所逐歸京師甲寅以宗尊子惟康王爲征夷大將軍日本國志

年甫三歲日本外史四北條氏文永三年將軍宗尊稱病不出僧
良基入禱之而不效藥府下頗有物議兵士四至良基出奔幕府
近臣稍稍出雷侍者五人而已宗
尊竟還京師立其子惟康代之

元史世祖紀至元三年以兵部侍郎黑的禮部侍郎殷宏使日本
元史日本傳三年八月命兵部侍郎黑的給虎符充國信使禮部
侍郎殷宏給金符充國信副使持國書使日本書曰大蒙古國皇
帝奉書日本國王朕惟自古小國之君境土相接尙務講信修睦
況我祖宗受天明命奄有區夏遐方異域畏威懷德者不可悉數
朕卽位之初以高麗無辜之民久瘁鋒鏑卽令罷兵還其疆域反
其旄倪高麗君臣感戴來朝義雖君臣歡若父子計王之君臣亦
已知之高麗朕之東藩也日本密邇高麗開國以來亦時通中國
至於朕躬而無一乘之使以通和好尙恐王國知之未審故特遣
使持書告布朕志冀自今以往通問結好以相親睦且聖人以四
海爲家不相通好豈一家之理哉以至用兵夫孰所好王其圖之
黑的等道由高麗高麗國王王禎以帝命遣其樞密院副使宋君
斐偕禮部侍郎金贊等導詔使黑的等往日本不至而還

丁三文永四年日本史冬十月乙丑前太政大臣公相薨十二月
辛酉關白實經罷以左大臣藤原基平爲關白

元史世祖紀四年黑的殷宏以高麗使者宋君斐金贊不能導達
至日本來奏降詔責高麗王王禎仍令其遣官至彼宣布以必得
要領爲期

元史日本傳四年六月帝謂王禎以辭爲解令去使徒還復遣黑
的等至高麗諭禎委以日本事以必得其要領爲期禎以爲海道
險阻不可辱天使九月遣其起居舍人潘阜等持書往日本畱六
月亦不得其要領而歸

戊四
辰五 文永五年日本史春二月丁亥北條時宗奏蒙古因高麗求通好高麗奉書附使獻方物朝議草答書時宗以蒙古書辭不遜抑而不遣卻其使秋八月甲辰立世仁親王爲皇太子冬十月壬午一院薙髮十一月丙寅關白基平薨十二月壬午號中宮曰今出川院丙戌以左大臣藤原基忠爲關白癸卯北條時宗沒梶井青蓮院兩門跡付於天台座主慈禪

元史世祖紀五年命兵部侍郎黑的禮部侍郎殷宏齋國書復使日本仍詔高麗國遣人導送期於必達毋致如前稽阻

元史日本傳五年九月命黑的宏復持書往至對馬島日本人拒而不納執其塔二郎彌二郎二人而還

己五 文永六年日本史春正月丙辰梶井青蓮院門徒奉八王子

客人等神輿入京訴座主慈禪遣兵禦少三門上院成東八月青蓮院兩門跡丙申神輿歸座主慈禪遣兵禦少三門上院成東八月青蓮院

前太政大臣實氏薨秋九月先是蒙古使黑的殷宏奉書來求答書對馬島拒而不納蒙古虜島人二人而去是月令高麗送還

元史日本傳六年六月命高麗金有成送還執者俾中書省牒其國亦不報有成畱其太宰府守護所者久之十二月又命祕書監趙良弼往使書曰蓋聞王者無外高麗與朕旣爲一家王國實爲鄰境故嘗馳信使修好爲疆場之吏抑而弗通所獲二人敕有司慰撫俾齎牒以還遂復寂無所聞繼欲通問屬高麗權臣林衍構亂坐是弗果豈王亦因此輟不遣使或已遣而中路梗塞皆不可知不然日本素號知禮之國王之君臣寧肯漫爲弗思之事乎近已滅林衍復舊王位安集其民特命少中大夫祕書監趙良弼充國信使持書以往如卽發使與之偕來親仁善鄰國之美事其或

猶豫以至用兵夫誰所樂爲也王其審圖之良弼將往乞定與其王相見之儀廷議與其國上下之分未定無禮數可言帝從之
庚六文永七年日本史秋八月戊子五條殿火天皇避之萬里富小路殿九月甲辰徙御二條殿冬十一月乙未晦前關白良實薨
元史世祖紀七年命陝西等路宣撫使趙良弼爲祕書監充國信使使日本

元史日本傳七年十二月詔諭高麗王禎送國信使趙良弼通好日本期於必達仍以忽休失王國昌洪茶三將兵送抵海上比國信使還姑令金州等處屯駐

元史趙良弼傳至元七年以良弼爲經略使領高麗屯田良弼言屯田不便固辭遂以良弼奉使日本先是至元初數遣使通日本卒不得要領於是良弼請行帝閱其老不許良弼固請乃授祕書監以行良弼奏曰父兄四人死事於金乞命翰林曰文其碑曰雖死絕域無憾矣帝從其請給兵三千以從良弼辭獨與書狀官二十四人俱

辛七未八文永八年日本史秋九月癸亥北條時宗奏高麗奉書告蒙古圖來寇冬十月癸丑北條時宗奏蒙古使趙良弼與高麗使俱來求通好寫國書進之不報十二月北條義宗來居六波羅北方元史日本傳八年六月日本通事曹介升等上言高麗迂路導引國使外有捷徑儻得便風半日可到若使臣去則不敢同往若大軍進征則願爲鄉導帝曰如此則當思之九月高麗王禎遣其通事別將徐稱導送良弼使日本日本始遣彌四郎者入朝帝宴勞遣之

壬八申九文永九年日本史春二月甲辰北條時宗殺六波羅南方北

條時輔日本外史四北條氏七年長時卒時宗執權時宗庶兄時輔與長時弟義宗俱鎮六波羅時輔居常快愧降於弟九年二月時宗令義宗擊時輔殺之聞其有異志也時宗為人強毅不撓幼善射弘長中大射於極樂寺第將軍欲觀小笠懸願命諸士無敢應者時賴曰太郎能之太郎時宗幼字也召而上場時年十一跨馬出一發而中萬眾齊呼時賴曰此兒必任負荷丙午法皇崩戊申葬後嗟峨天皇秋八月甲午皇后崩戊戌葬京極院

元史世祖紀九年奉使日本趙良弼遣書狀官張鐸同日本二十人至京師求見

元史日本傳九年二月樞密院臣言奉使日本趙良弼遣書狀官張鐸來言去歲九月與日本國人彌四郎等至太宰府西守護所守者云曩爲高麗所紿屢言上國來伐豈期皇帝好生惡殺先遣行人下示璽書然王京去此尙遠願先遣人從奉使回報良弼乃遣鐸同其使二十六人至京師求見帝疑其國主使之來云鐸所者詐也詔翰林承旨和爾果斯以問姚樞許衡等皆對曰誠如聖算彼懼我加兵故發此輩伺吾强弱耳宜示之寬仁且不宜聽其入見從之是月高麗王植致書日本五月又以書往令必通好大朝皆不報

癸酉文永十年日本史春二月丁酉前太政大臣實基薨夏四月乙巳詔曰我朝之言聖代者莫不歌延喜之治稱天庥之政然猶屈明問化焦思於滄素之風虚心求規側耳於守文之日朕以不敏謬受洪緒譬猶欲涉淵水未知所濟爰彗客春見示奇合之徵坤儀夏震觀厚德之應是朕政之有闕歟若民心之未嘆歟况頃者陰陽失節水旱不時雖有帑藏之名更無貢賦之實庶官常乏榮辱之主兆民併爲游惰之輩但行帝道則帝行王道則王無謂澆訛之時聚脣議之無謂疲弊之國勦力救之古不云乎天時不

如地利地利不如人和宜令公卿大夫重官外國五位已上職居官長秀才明經課試及第名爲儒士者各上封事極陳得失凡號令之不便於時言而無諱政化之有益於國犯而勿隱庶得忠謨以匡政術五月丙辰關白基忠罷以前右大臣藤原忠家爲關白元史世祖紀十年使日本趙良弼至太宰府而還具以日本君臣爵號州郡名數風俗七宜來上

元史日本傳十年六月趙良弼復使日本至太宰府而還

元史趙良弼傳良弼舟至金津島其國人望見使舟欲舉刃來攻良弼捨舟登岸喻旨金津守延入板屋以兵環之滅燭大譟良弼凝然自若天明其國太宰府官陳兵四山問使者來狀良弼數其不恭罪乃喻以禮意太宰官愧服求國書良弼曰必見汝國王始授之越數日復來求書且曰我國自欸擇何以肅使臣陳列至者令大朝遣使至此而不以國書欸擇何以肅使臣陳列帝遣裴清來王郊迎成禮唐太宗高宗時遣使皆得見王王何獨不見大朝使臣乎復索書不已詰難往復數四至以兵脅良弼良弼終不與但頗錄本示之後又聲言大將軍以兵十萬來求書良弼曰不見汝國王寧持我首去書不可得也日本知不可屈遣使介十二人入覲仍遣人送良弼到對馬島十年五月良弼至自日本入見帝詢知其故曰卿可謂不辱君命矣後帝將討日本三問良弼言臣居日本歲餘觀其民俗狠勇嗜殺不知有父子之親上下之禮其地多山水無耕桑之利得其人不可役得其地不加富況舟師渡海海風無期禍害莫測是謂以有用之民力填無窮之巨壑也臣謂勿擊便帝從之

甲十一 文永十一年日本史春正月甲辰天皇禪位於皇太子在

位十五年上尊號曰太上天皇稱新院及伏見登極改稱中院正
應二年九月薙髮法名金剛眼嘉元元年四月受戒東大寺三年
秋九月己未法皇崩於龜山殿年五十七火葬分藏御骨於淨金
剛院法華堂南禪寺金剛峯寺遺詔稱龜山院帝天資英銳多材
藝大炊御門殿火大宮院皇太子倉皇出宮求門鑰不得火已及
車蓋帝雅多力足蹋開之皆得無恙禪位之後聽政於院中者十
餘年弘安中蒙古來寇帝深憂之御書願文奉大神宮祈以身代
國難伏見之立也固非帝之本意是以不樂適狂賊淺原爲賴入
犯宮闈時論疑帝之所使帝甚不安賜誓書北條貞時以白馬帝
深信佛法最崇禪法捨禪林寺離宮勅南禪寺御製願文梁牌嘗
和達磨忌倡曰江浪激奔嵩雪寒棲棲南北不安閒當時若得親
相見不在魏梁庸主間又皇后藤原結子左大臣中宮藤原宣子
公相女女御藤原位子平女典侍藤原雅子雅平女藤原氏
正三位平氏兵部卿時仲女宮人藤原瑛子太政大臣實兼女藤原禊子左大臣實平女
藤原壽子大膳大夫景房女資子不詳藤原氏內大臣公親女藤原氏權中納言實任女
藤原氏權中納言藤原氏公雄女源氏左近衛少將宣通女廊御方僧元
督局不詳貫川御靈社女巫子二十四皇后生知仁親王後宇多帝位
子生啟仁親王繼仁親王實平女生良助法親王聖雲法親王覺
雲法親王平平生順助法親王慈道法親王行圓法親王瑛子生
恆明親王壽子生定良親王資子生尊珍法親王公親女生性慧
法親王實任女生守良親王雅藤女生道澄法親王公雄女生恆
雲法親王源氏生性覺法親王性融法親王廊御方生兼良親王
督局生僧道性又益性法親王寬尊法親王僧尊誓失母氏
元史世祖紀至元十一年敕鳳州經略使忻都高麗軍民總管洪

茶上等將屯田軍及女直軍并水軍合萬五千人戰船大小合九百艘征日本

元史日本傳十一年三月命鳳州經略使忻都高麗軍民總管洪茶上以千料舟拔都魯輕疾舟汲水小舟各三百共九百艘載士卒一萬五千期以七月征日本冬十月入其國敗之而官軍不整又矢盡惟虜掠四境而歸

後宇多天皇

日本史後宇多天皇諱世仁龜山第二子也母京極院藤原氏文永四年十二月癸丑朔生五年六月為親王八月為皇太子十年十二月始讀孝經十一年春正月甲辰受禪於二條殿以關白忠家攝政左大臣兼左近衛大將藤原家經右大臣藤原師忠內大臣藤原師繼權大納言兼右近衛大將藤原家基並加政二月

酉尊龜山天皇曰太上天皇三月癸卯即位於太政官廳時年八歲六月甲子攝政忠家罷以左大臣藤原家經攝政冬十月丁未

蒙古來寇對馬守護代右馬允惟宗助國死之內辰寇壹岐守護代平景隆死之辛酉寇筑前掠沿海郡邑壬戌太宰府兵拒之不

利既而賊船二百餘漂沒餘賊宵遁日本外史四北條氏當是時宋氏為胡元所滅諸鄰國皆

服於元獨我邦不通使聘元主忽必烈令韓人致書於我曰不服則尋兵朝廷欲答之下鎌倉議時宗以其書辭無禮執為不可元主復遣使者趙良弼來時宗令太宰府逐之凡元使至前後六反皆拒不納十一年十月元兵可一萬來攻對馬地頭惟宗助國死之轉至壹岐守護代平景隆死之事報六波羅令鎮西諸將赴拒少貳景資力戰射殪虜將劉復亨虜兵亂奔日本國志元兵十月五日拔對馬十四日攻壹岐翌日城陷遂及肥前沿海郡邑十九日入博多明日舍舟登岸騎而進至今津佐原百道原赤阪諸地還上舟會矢將盡二十日

夜大風雨多觸礁遂還乙恭宗德祐元建治元年日本史春二月壬子司鷹院崩三月己亥號準三宮藤原位子曰新陽明門院夏四月丙辰蒙古改國號

曰元使其臣杜世忠何文著撒都魯丁等至長門室津丙寅改元
秋八月乙丑以前右大臣藤原通雅為太政大臣九月甲戌北條
時宗斬元使杜世忠何文著等五人於鎌倉減省公私用費權停
京師大番兵選武幹士分遣鎮西諸國以備元寇冬十月戊午攝
政家經罷以前關白兼平攝政十一月辛未立熙仁親王為皇太
子是月北條時宗以北條實政為筑紫探題以備元寇日本外史
而元主必欲遂初志後宇多天皇建治元年元使者杜世忠何文
著等九輩至長門畱不去欲必得我報時宗致之鎌倉斬於龍口
以上總介北條實政為鎮西探題遣東兵衛京師西十二月北條
兵衛者悉從實政益築太宰府水城省允費充兵備時國來居六波羅南方

元史世祖紀十二年遣禮部侍郎杜世忠兵部侍郎何文著齋書
使日本國

元史日本傳十二年二月遣禮部侍郎杜世忠兵部侍郎何文著
計議官撒都魯丁往使復致書亦不報

元史耶律希亮傳至元十二年既平宋世祖命希亮問諸降將日
本可伐否夏貴呂文煥范文虎陳奕等皆云可伐希亮奏曰宋與
遼金攻戰且三百年干戈甫定人得息肩俟數年與師未晚世祖
然之

丙端宗景炎元建治二年日本史春三月甲午太政大臣通雅罷
子十三夏五月戊戌前太政大臣通雅薨

丁二建治三年日本史春正月癸巳天皇加元服夏四月乙酉
丑十四攝政兼平罷太政大臣

元史日本傳至元十四年日本遣商人持金來易銅錢許之
戊帝昶祥興元弘安元年日本史春正月北條時村來居六波羅
寅十五

北方二月壬午改元閏十月壬辰二條殿火天皇避之萬里富小

路殿乙酉以攝政兼平爲關白乙巳續拾遺和歌集成

元史世祖紀至元十五年詔諭沿海官司通日本國人市舶

己二 卯十六 弘安二年日本史夏六月辛丑斬元將夏貴范文虎使於博多冬十月北條時宗遣兵筑紫備元寇

元史世祖紀十六年范文虎言臣奉詔征討日本比遣周福欒忠與日本僧齋詔往諭其國期以來年四月還報待其從否始宜進兵又請簡閱舊戰船以充用皆從之

庚十 辰七 弘安三年日本史夏六月甲午延麻寺僧徒聞慶園城寺金堂將準御齋會率眾攻之與衛兵戰

元史世祖紀十七年二月日本國殺國信使杜世忠等征東元帥忻都洪茶兀請自率兵往討廷議姑緩之六月召范文虎議征日本十月發兵十萬命文虎將之賜右丞洪茶兀所將征日本新附軍鈔及甲十二月高麗王王瞻領兵萬人水手萬五千人戰船九百艘糧一萬石出征日本給右丞洪茶兀等戰具高麗國鎧甲戰襖諭諸將征日本兵取道高麗毋擾其民以高麗中贊金方慶爲征日本都元帥密直司副使朴球金周鼎爲管高麗國征日本軍萬戶並賜虎符以高麗國王王瞻爲中書右丞相復授征日本軍官元佩虎符

元史日本傳十七年二月日本殺國使杜世忠等征東元帥忻都洪茶兀請自率兵往討廷議姑少緩之五月召范文虎議征日本八月詔募征日本士卒

元史昂吉兒傳日本不庭帝命阿塔海等領卒十萬征之昂吉兒上疏其略曰臣聞兵以氣爲主而上下同欲者勝比者連事外夷三軍屢衄不一以言氣海內騷然一遇調發上下愁怨非所謂同

欲請罷兵息民不從既而師果無功

辛十八已八弘安四年日本史夏五月丙辰元兵大舉來寇敕諸寺誦經

禱寇平六月己巳元兵侵太宰府丁丑破元兵殺獲千餘人太宰

府言自本月六日至十三日與元兵日夜會戰殺千餘人賊兵少

卻聞七月乙丑遣大納言藤原經任於伊勢奉幣大神宮祈弭元

寇丁丑太宰府驛奏本月朔大風元軍艦悉歿於肥前鷹島日本

外史四北條氏弘安二年元使周福等復至宰府復斬之元主聞我再

誅使者則憤恚大發舟師合漢胡韓兵凡十餘萬人以范文虎將

之入寇四年七月抵水城船艦相銜實政將草野七郎潛以兵艦

二艘擊於志賀島斬首虜二十餘級虜列大艦鐵鎖聯之殼弩其

上我兵不得近河野通有奮前矢中其左肘通有益前仆檣架虜

艦登之擒虜將王冠者安達次郎大友藏人踵進虜終不能上岸

收據鷹島時宗遣宇都宮貞綱將兵援實政未到聞月大風雷虜

艦敗壞少貳景資等因奮擊虜兵伏屍蔽海海可步而行虜兵

十萬脫歸者纔三人元不復窺我邊時宗之力也日本國志元史

稱得還者纔三人此指文虎所率江南軍而言耳癸辛雜識云全

軍十五萬歸者不能五之一此八月北條貞時流北條時光於佐

渡

元史世祖紀至元十八年正月詔阿刺罕范文虎囊加帶同赴闕

受訓諭以拔都張珪李庭雷後命忻都洪茶巨軍陸行抵日本兵

甲則舟運之所過州縣給其糧食用范文虎言益以漢軍萬人文

虎又請馬二千給禿失忽思軍及回回礮匠帝曰戰船安用此皆

不從六月日本行省臣遣使來言大軍駐巨濟島至對馬島獲島

人言太宰府西六十里舊有戍軍已調出戰宜乘虛擣之詔曰軍

事卿等當自權衡之以阿刺罕有疾詔阿塔海統率軍馬征日本

八月詔征日本軍回所在官為給糧忻都洪茶巨范文虎李庭金

方慶諸軍船為風濤所激失利餘軍回至高麗境十存一二

元史日本傳十八年正月命日本行省右丞相阿刺罕右丞范文

虎及忻都洪茶巨等率十萬人征日本二月諸將陛辭帝敕曰始

因彼國使來故朝廷亦遣使往彼遂畱我使不還故使卿輩爲此行朕聞漢人言取人家國欲得百姓土地若盡殺百姓徒得地何用又有一事朕實憂之恐卿輩不和耳假若彼國人至與卿輩有所議當同心協謀如出一口荅之五月日本行省參議裴國佐等言本省右丞相阿剌罕范右丞李左丞先與忻都茶兀入朝時同院官議定領舟師至高麗金州與忻都茶兀軍會然後入征日本又爲風水不便再議定會於一岐島今年三月有日本船爲風水漂至者令其水工畫地圖因見近太宰府西有平壺島者周圍皆水可屯軍船此島非其所防若徑往據此島使人乘船往一岐呼忻都茶兀來會進討爲利帝曰此間不悉彼中事宜阿剌罕輩必知令其自處之六月阿剌罕以病不能行命刺塔海代總軍事八月諸將未見敵喪全師以還乃言至日本欲攻太宰府暴風破舟猶欲議戰萬戶厲德彪招討玉國佐水手總管陸文政等不聽節制輒逃去本省載餘軍至合浦散遣還鄉里未幾敗卒于閩脫歸言官軍六月入海七月至平壺島移五龍山八月一日風破舟五日文虎等諸將各自擇堅好船乘之棄士卒十餘萬於山下眾議推張百戶者爲主帥號曰張總管聽其約束方伐木作舟欲還七日日日本人來戰盡死餘二三萬爲其虜去九日至八角島盡殺蒙古高麗漢人謂新附軍爲唐人不殺而奴之閩輩是也蓋行省官議事不相下故皆棄軍歸久之莫青與吳萬五亦逃還十萬之眾得還者三人耳

元史張禧傳十七年加鎮國上將軍都元帥時朝廷議征日本禧請行即日拜行中書省平章政事與右丞范文虎左丞李庭同率舟師泛海東征至日本禧卽捨舟築壘平壺島約束戰艦各相去

五十步止泊以避風濤觸擊八月颶風大作文虎庭戰艦悉壞禧所部獨完文虎等議還禧曰士卒溺死者半其脫死者皆壯士也曷若乘其無回顧心因糧於敵以進戰文虎等不從曰還朝問罪我輩當之公不與也禧乃分船與之時平湖島屯兵四千乏舟禧曰我安忍棄之遂悉棄舟中所有馬七十四匹以濟其還至京師文虎等皆獲罪禧獨免

壬十弘安五年

元史世祖紀十九年秋七月高麗國王請自造船一百五十艘助征日本九月福建宣慰司獲倭國謀者有旨留之給新附軍賈祐衣糧祐言爲日本國焦元帥壻知江南造船遣其來候動靜軍馬壓境願先降附

癸二按六神國本神春莊月莊酒莊麻時密虎社真德東邇亦

波羅兵禦之僧徒闖入禁闕納諸神輿於紫宸清涼等殿截御簾破年中行事障子天皇避之西小御所御腰輿幸內大臣藤原家基近衛第尋幸故內大臣源通成三條坊門第以有狐妖遷御萬里富小路殿遷神輿於祇園社二月庚戌遷幸大炊御門殿秋九月乙卯安嘉門院崩冬十月辛丑徙二條東洞院新宮日吉神輿歸座

元史世祖紀二十年正月預備征日本軍糧令高麗國備二十萬石以阿塔海依舊爲征東行中書省丞相丙寅發五衛軍二萬人征日本發鈔三千錠糴糧於察罕腦兒以給軍匠命右丞闍里帖木兒及萬戶三十五人蒙古軍習舟師者二千人探馬赤萬人習水戰者五百人征日本二月賜日本軍官布古岱及軍士銀鈔有

差三月罷女直造日本出征船四月阿塔海求軍官習舟楫者同
征日本命元帥張林招討張瑄總管朱清等行以高麗王就領行
省規畫日本事宜命樞密院集軍官議征日本事宜程鵬飛請明
賞罰有功者軍前給憑驗候班師日改授從之五月御史中丞崔
或言江南盜賊繼起皆緣拘水手造海船民不聊生日本之役宜
姑止之江南四省應辦軍需宜量民力勿強以土產所無凡給物
價及民者必以實召募水手當從所欲伺民之氣稍蘇我之力粗
備三二年復東征未晚不從六月以征日本民間騷動盜賊竊發
忽都帖木兒忙古帶乞益兵禦寇詔以興國江州軍付之七月諭
阿塔海所造征日本船宜少緩之所拘商船其悉給還八月浙西
道宣慰使史弼言頃以征日本船五百艘科諸民間民病之宜取
阿八赤所有船修理以付阿塔海庶寬民力并給鈔於沿海募水
手從之

元史日本傳二十年命阿塔海爲日本行省丞相與徹里帖木兒
右丞劉二拔都兒左丞募兵造舟欲復征日本淮西宣慰使昂吉
兒上言民勞乞寢兵

元史劉宣傳宣爲吏部尙書及再征日本宣又上言其略曰近議
復置征東行省再興日本之師此役不息安危繫焉唆都建伐占
城海牙言平交趾三數年間湖廣江西供給船隻軍需糧運官民
大擾廣東羣盜並起軍兵遠涉江海瘴毒之地死傷過半卽日連
兵未解且交趾與我接壤蕞爾小邦遣親王提兵深入未見報功
唆都爲賊所殺自遺羞辱況日本海洋萬里疆土闊遠非二國可
比今次出師動眾履險縱不遇風可到彼岸倭國地廣徒眾猥多
彼兵四集我師無援萬一不利欲發救兵其能飛渡耶隋伐高麗

三次大舉數見敗北喪師百萬唐太宗以英武自負親征高麗雖取數城而還徒增追悔且高麗平壤諸城皆居陸地去中原不遠以二國之眾加之尚不能克況日本僻在海隅與中國相懸萬里哉帝嘉納之

元史相威傳十八年左丞范文虎參政李庭以兵十萬航海征倭七晝夜至竹島與遼陽省臣兵合欲先攻太宰府遲疑不發八月朔颶風大作士卒十喪六七帝震怒復命行省左丞相安塔海征之一時無敢諫者相威遣使入奏曰倭不奉職貢可伐而不可恕可緩而不可急向者師行迫期戰船不堅前車已覆後當改轍今為之計預修戰艦訓練士卒耀兵揚武使彼聞之深自備禦遲以歲月俟其疲怠出其不意乘風疾往一舉而下萬全之策也帝意始釋遂罷其役

弘安七年日本史春二月丁未號準三宮悅子內親王曰

延政門院夏四月壬午相模守北條時宗卒日本外史四北條氏七年時宗卒子貞時

甫十四繼執權襲父官爵安達泰盛以外祖益專太宰府之捷其子弟與有力焉威望日盛與內管領平賴綱爭權內管領即家令也泰盛子宗景性狂易謂其曾祖實賴朝子也遂改姓源賴綱因譜之曰彼更姓冀為將軍也十一月貞時發兵夷滅安達氏人以為三浦氏之報也賴綱獨執政後賴綱亦圖秋七月甲午前關白反其長子宗綱告之貞時誅賴綱流宗綱

左大臣實經薨冬十二月北條兼時來居六波羅南方

元史世祖紀二十一年遣王積翁齋詔使日本賜錦衣玉環鞍轡積翁由慶元航海至日本近境為舟人所害

元史日本傳二十一年又以其俗尚佛遣王積翁與補陀僧如智往使舟中不願行者共謀殺積翁不果至

乙二十 弘安八年日本史夏四月丁卯以前關白左大臣基忠為太政大臣秋八月己未立始子內親王為皇后冬十一月乙酉北

條貞時殺前陸奧守安達泰盛

元史世祖紀二十二年遣使告高麗發兵萬人船六百五十艘助征日本仍令於近地多造船以占城遁還忽都虎劉九田二復舊職從征日本增阿塔海征日本戰士萬人回回礮手五千人從樞密院請嚴立軍籍條例選壯士及有力家充軍敕樞密院向以征日本故遣五衛軍還家治裝今悉選壯士以正月一日到京師江淮行省以戰船千艘習水戰江中

丙三 弘安九年日本史春二月癸卯安嘉門院崩

元史世祖紀二十三年春正月帝以日本孤遠島夷重困民力罷征日本召阿八赤赴闕仍散所願民船秋九月高麗遣使獻日本俘十月高麗遣使獻日本俘十六人

元史日本傳二十三年帝曰日本未嘗相侵今交趾犯邊宜置日本專事交趾

丁四 弘安十年日本史秋八月己巳關白兼平罷以左大臣藤原師忠爲關白辛未太政大臣基忠罷冬十月辛酉以中納言兼右近衛大將源惟康爲親王征夷大將軍如故戊寅天皇禪位於皇太子在位十四年上尊號曰太上天皇稱新院常居磐井殿或御大覺寺及後二條登阼稱一院預聞政事德治二年七月薙髮法名金剛性十一月受戒東大寺屏絕婦女延慶元年正月灌頂東寺受真言奧祕於仁和寺僧禪助築一堂於大覺寺側謝絕人事覃思密教躬爲大阿闍梨後使皇子性圓法親王住大覺寺永傳真言之流又徵元僧一寧屢問禪要及死贈國師號親滌宸奎贊其像命前權大納言源有房作文祭之及後醍醐即位徙居恆明親王大炊御門第專聽萬機三年矣以羣臣奏請動妨薰修遣

大納言藤原定房論北條高時不復預焉正中元年六月己卯崩於大覺寺年五十八葬於蓮花峯寺遺詔稱後宇多院帝好學博綜眾藝時論謂帝文學亞於後三條又皇后始子後深草女典侍藤原忠子參議忠繼女源基子內大臣具守女掄子中務卿宗尊親王女瑞子宗尊親王女藤原氏大納言長雅女藤原氏參議實俊女藤原氏參議宗親女子五基子生後二條帝忠子生後醍醐帝承覺法親王性圓法親王實俊女生良治親王後入後醍醐帝宮

伏見天皇

日本史伏見天皇諱熙仁後深草第二子也母玄輝門院藤原信子文永二年四月壬戌生建治元年十月為親王十一月立為皇太子二年六月始讀孝經三年十二月冠弘安十年冬十月戊寅受禪於富小路殿關白左大臣師忠右大臣藤原忠教內大臣藤原家基權大納言兼左近衛大將藤原兼忠大納言兼右近衛大將源通基並如故十一月壬寅尊後宇多天皇曰太上天皇

戊二十子五正應元年日本史春二月北條盛房來居六波羅南方北條兼時移居北方三月庚子即位於太政官廳時年二十四夏四月壬午改元秋八月癸酉立女御藤原鐙子為中宮冬十二月丁卯號所生準三宮藤原愔子曰玄輝門院

己二十丑六正應二年日本史夏四月壬戌關白師忠罷以右大臣藤原家基為關白甲戌立胤仁親王為皇太子秋八月丙子晦以準大臣源基具為太政大臣冬十月丁未朔征夷大將軍惟康親王為北條貞時所逐歸京師以本院皇子久明為親王乙卯以久明親王為征夷大將軍日本外史四北條氏正應二年九月府下騷擾貞時廢惟康倒載之輿送還京師東人曰將軍被流京師也乃請後深草帝三子久明為將軍十二月乙酉號準三宮懌子內親王曰

五條院

庚二十 正應三年日本史春三月癸丑賊淺原為賴入宮作亂天皇避之春日殿衛兵赴討為賴自殺事定還宮丙辰太政大臣基具罷

辛二十 正應四年日本史夏五月癸亥關白家基罷以左大臣藤原忠教為關白秋八月己巳上上皇皇后號曰遊義門院冬十二月己丑以前內大臣藤原實兼為太政大臣

壬二十 正應五年日本史秋九月丁卯大宮院崩冬十二月乙卯辰九 太政大臣實兼罷

元史世祖紀二十九年日本舟至四明求互市舟中甲仗皆具恐有異圖詔立都元帥府令哈喇帶將之以防海道

癸二十 永仁元年日本史春二月壬子關白忠教罷以前關白家基為關白三月北條貞時以北條兼時為筑紫探題夏四月己亥鎌倉地大震山崩屋壞死者二萬餘人是月北條久時來居六波羅

北方秋八月戊子改元冬十月一乘院僧徒與大乘院僧徒戰十一月甲午前攝政家經薨

甲三十 永仁二年日本史春二月戊子號準三宮久子內親王曰午一 永陽門院秋八月丙戌前關白太政大臣兼平薨

乙成宗元 永仁三年日本史春二月改補一乘院大乘院兩總管未貞元 冬十一月丙申大乘院僧徒與一乘院僧徒戰於春日社各取神

木或遷之放光院或遷之興福寺金堂

丙二 永仁四年日本史春正月辛卯新陽明門院崩夏六月乙卯關白家基罷丙辰家基薨秋七月辛卯以左大臣藤原兼忠為關

白八月丁亥號準三宮喜子內親王曰昭慶門院秋九月壬午奪

大乘院僧慈信檢核職付之一乘院僧覺意日本外史四北條氏

題四年僧良基誂故源範賴

喬吉見義世謀亂捕誅之西元 永仁五年日本史春正月辛未興福寺僧徒以奪大乘院

慈信檢校職付於一乘院覺意使神人毀藏人平信忠宅夏四月

庚戌冷泉富小路殿火天皇避之春日殿六月乙巳北條貞時置

地頭於一乘院領地庚戌多武峯神人以訴置一乘院領地地頭

神寶入京是月北條宗方來居六波羅北方秋七月北條宗宣

后六波羅南方冬十月戊申北條貞時罷一乘院領地地頭

月己丑朔日南至賜宴羣臣乙卯造富小路殿

永仁六年日本史春正月乙未六波羅捕前權中納言藤原

幡執行聖信白毫寺妙智房三月癸卯六波羅流藤原為

渡秋七月丁未天皇讓位於皇太子在立十一年上尊號

曰太上天皇徙御二條高倉殿帝藉北條時宗力踰次得立後復

以詭詞嚇北條時貞由是富仁親王亦得立為儲貳後伏見即位

上皇聽政院中及後二條登極稱中院延慶元年富仁親王踐阼

是為花園帝上皇再聽政應長元年正月徙常盤井殿正和二年

十月屬機務於後伏見上皇移居伏見殿幽閒度日薙髮法名素

融乾元元年三月徙持明院文保元年九月丙寅崩於持明院年

五十三火葬於深草耐御骨於後深草帝法華堂稱伏見院帝

和歌工書命藤原為兼選萬葉集以下和歌曰玉葉和歌集初帝

為北條時宗所援立因與時宗子貞時謀立後伏見後宇多上皇

因讓其違先帝詔貞時遂議定使後深草龜山二帝之後迭立限

以十年終馴致元弘之亂云又中宮藤原鐔子太政大臣宮人藤

原經子參議經藤原季子左大臣藤原氏權大納言藤原英子權

氏女實雄女實明女伏見

納言公宗女掌侍某氏俊衡女源氏參議具氏女藤原氏參議茂通女治部卿局法

任快女西御方不詳子九季子生花園帝寬性法親王經子生後伏

見帝某氏生尊彥親王源氏生吉永親王實明女生道熙法親王

茂通女生尊熙法親王治部卿局生慧助法親王西御方生聖珍

法親王

元史日本傳成宗大德二年江浙行省平章政事也速答兒乞用

兵日本帝曰今非其時朕徐思之

